



Giorgio Ferigo intune foto di Renzo Daneluzzi

Di lui si è dit tant. Ma tant al è ancjemò di di. O fevelin di Giorgio Ferigo, miedi, scritôr, storic, cjantautôr e di plui, riferiment impressindibil pe musiche furlane. Daspò de sò muart tal 2007, la sò grande produzion e je tes mans de omonime Associazione cun sede te "Cjasa dal Botêr" di Comelians, volude dai amis e colaboradôrs, 200 socis, che a àn vût il mert di meti adun e rindi consultabil l'archivi di Ferigo. E che, daspò dal progjet "Grops - Il meccanismo e las ripetizions" (Nota), al è daûr a lavorà suntune gnove iniziative: «O stin cirint di meti adun i trê discs dal Povolâr Ensemble. O volin riproponi cheste produzion intune uniche sede», al à dit Claudio Lorenzini, president de Associazione, «e dopo magari zontâ un disc di ineditis, fotografiis, intervistis e presentazions di Giorgio, materiâi che a podin mostrâ ce che e je stade chê esperience li, che no jere nome circoscrite a la musiche». Un cofanet cu la riedizion des trê storicis incisions di

MUSICHE

Ferigo al cjante inmò

Tantis iniziativas in memorie dal cjantautôr di Comelians

N. G.

Ferigo cul Povolâr, ven a stâi "Il timp das radis" (1980), "Cjamp dai pierdûz amôrs" (1983) e «Notgrops» (1987). Cui che al ves fotos, videos, manifestcj, articui di giornâl o altris testimoniancis al pues scrivi a tonizogno@tin.it e pzanc@mac.com. Ma parcè la dibisugne di tornâ a meti tal marcjât la produzion di un artist che al à un timp, la fin dai agns Setante e la metât dai agns Otante, e une coordinade gjeografiche cussì specifiche come la Cjargne? «Al è za di un pôc di timp che nus domandin di podê comprâ chei discs che no son plui», al spieghè Lorenzini, «ma in ogni mût, il lavôr di Giorgio come autôr di cjançon al è cetant fundamentâl



Il logut de Associazione

che nus pâr just riproponilu e cirî di sparncjâlu plui a larc, magari provant a fâlu cognossi ancje a cui che Giorgio nol à vût la pussibilitât di cognossilu di persone e nancje di scoltâlu in vite». A son propit i zovins a fâ proprie la grande ereditât di Giorgio, baste visâsi ce che al è stât il concerti omaç pai siei 60 agns: da "Jerbata" cjantade dai Arbe Garbe a "La sò puema" in version rap cun Dj Tubet, par fâ doi esemplis, a son i gnûfs grups di musiciscj furlans a rindi atuâl la sò opare ancje vuè. Cun cheste ultime iniziative, al conclût il president de associazione, «o cirin di meti dongje cui che al jere, cui che al è e cui che al sarâ Giorgio Ferigo». www.giorgioferigo.net ■

DAI15AI15

20 AVRÏL
Arbe Garbe
al Deposito Giordani (PN)
aes 21:30
www.arbegarbe.com
www.depositogiordani.it

29 AVRÏL
Pantan presentazion dal gnuf cd «Kistalè» ae Piccola Trattoria san Mauro, Sant Maur a Premariâs (UD), aes 18.00
www.myspace.com/pantan
www.trattoriasanmauro.com

31 AVRÏL
Mig29overDisneyland
presentazion dal gnuf singul «Profitadôrs» a Romans dal Lusinc (GO), aes 21:00
www.myspace.com/mig29overdisneyland

1 MAI
¿Cuinon?
a Sedilis, Borc Clotz (Tarcint) UD, aes 16:00
www.cuinon.it

4-26 MAI
Al torne l'apontament anuâl cun **Festintenda**, inmaneade dal circul Il Cantir cun Radio Onde Furlane. A sunin tancj grups furlans, tant che **Luna e un Quarto (5 Mai)** e **Mig29overDisneyland (19 Mai)**.
tal Aree Comunâl Cjasielis, Morteau (UD)
www.festintenda.it
www.ondefurlane.eu